

Kedudukan 568 tahanan ISA

Kerajaan akan semak semula: Musa

KUALA LUMPUR, Khamis — Kerajaan akan menyemak semula kedudukan 568 orang yang masih ditahan di bawah Akta Keselamatan Dalam Negeri, kata Menteri Hal Ehwal Dalam Negeri, Datuk Musa Hitam hari ini.

Bellau menegaskan, semakan enam bulan sekali itu adalah selaras dengan kenyataan Perdana Menteri, Datuk Seri Dr. Mahathir Mohamad baru-baru ini yang bercadang menyemak semula kedudukan mereka yang terlibat.

"Saya telah mengkaji laporan Lembaga Penasihat yang terakhir atau tiap-tiap kes tahanan sebelum mengambil keputusan membebaskannya," kata bellau sebelum mengumumkan pembebasan 21 orang tahanan di Jabatan Perdana Menteri, hari ini.

Datuk Musa berkata, dari tahun 1978 hingga Julai 1981, 726 orang tahanan (tidak termasuk yang dibebaskan hari ini) telah dibebaskan oleh kerajaan.

"Baki yang masih belum berubah sikap ke arah pemulhan sekarang berada di kem-kem tahanan akan sentiasa diberi peluang mengubah sikap.

"Jika mereka betul-betul insaf dan menunjukkan tanda-tanda yang meyakinkan kerajaan, pembebasan mereka tidak akan mengancam keselamatan negara atau memudaratkan ketenteraman awam, kerajaan akan membebaskan mereka," katanya.

Bellau berkata, Lembaga Penasihat adalah sebuah badan bebas yang ditubuhkan di bawah Perkara 151 (2) Perlembagaan Persekutuan dan ahli-ahlinya dilantik oleh Seri Paduka Baginda Yang di-Pertuan Agong.

Syor

Katanya, Lembaga Penasihat ini dipengerusikan oleh seorang berkelakuan seperti Hakim Mahkamah Tinggi. Ia bertanggungjawab membuat perakuan-perakuan atau syor-syor kepada Menteri Dalam Negeri.

Datuk Musa menjelaskan, mengikut amalan biasa, seseorang yang ditahan di bawah Akta Keselamatan Dalam Negeri akan dibebaskan berdasarkan perakuan dan syor Lembaga Penasihat.

Bahan asal dari Arkib
Negara Malaysia